



Nuuk, 15. september 2010

Inatsisartut suleriaasiat § 36, immikkoortoq 1 naapertorlugu Naalakkersuisunut apeqquteqaat.

Apeqquteqaat:

Ilinniartut ilinniakkaminnik aallarniinnissaminut atatillugu suliffeqarfimmi isumaqatigiissuteqarfissaaleqisartut, praktik-erfissaaleqisartut, eqqarsaatigalugit Naalakkersuisuusut sunik iliuusissanik pilersaaruteqarpat? Naalakkersuisuusut nunanik allanik isumaqatigiissusiornissanik pilersaaruteqarpat, taamaassimanngippat sunik allanik iliuusissanik pilersaaruteqarpat, qaqugulu pilersaarutit aallarnisarniarneqarnissaat pilersaarutigineqarpa, pilersaaruteqarpallu pineqartunik qaqugu saqqummiussinissat ingerlanneqassappat? Pilersaarutit piareersimasoqarsimappat, pilersaarutit qanoq aningaasalersorniarneqarpat, Namminersorlutik Oqartussanit tamakkiisumik aningaasalersorneri ingerlanniarneqarpat, qanorlu aningaasalersorniarneqarpat?

(Inatsisartunut ilaasorta, Akitsinguaq Olsen, Siumut)

Tunngavilersuut:

Siunertamut naapertuutissagaluarpoq nunanit allanit siulliulluni qisuariaateqarluni aningaasaleerusunnissaq iliuuseqarnissarlu utaqqiinnannginnissaa, suliffeqarfinni misiliinissamik, praktik-erfissanik pilersitsinissaq eqqarsaatigulu aaqqissuussinissaq Namminersorlutik Oqartussanit eqeersimaartumik nunanik allanik suleqatiginninnissamik isumaqatigiissusiornissat aallarnisarniarneqartariaqarsorinarput, iliuusissanik aaqqissuussinissat pisariaqartinneqaqisut piaartumik suliarineqalernissaat kissaatiginarpoq. Innuttaasut ilinniarnissamik siunnerfeqalersut praktik-erfissaaleqinermik allatigullu aporfiusussanik sioranatik killormuanilli ilinniarnissamik periutsit atugaasut tunngaviliisariaqarput innuttaasumut kimulluunniit ilinniarnissamik kissaateqartumut aallarnisarusuttumullu ingerlariaqqinnissamik periarfissanik ammaassisutut isumalluarnartutut isiginnilerfissatut aqqutissiuussissasoq Namminersorlutik Oqartussat innuttaasunut sullissilluarnissaa aallaaviulluni ilinniarfissanik neqeroorfiginnittussaataasorinarmat.